

Sranan - Ferlusuman Santa Buku - Salvation Scriptures

Efese 2:2 Un ben libi leki den tra sma fu grontapu, èn un ben du san a basi fu den yeye na loktu ben wani. Na en na a yeye di e wroko now na ini den sma di no wani du san Gado wani.

Mateus 6:10 Kon tiri wi, meki Yu wani psa na grontapu soleki fa a e psa na heimel.

Lukas 22:42 "P'pa, efu Yu wani, puru a kan disi na Mi fesi, meki Mi no nyan a pina disi. Ma a no san Mi wani, ma na san Yu wani musu psa."

Yohanes 16:7-9 Mi e taigi unu tru tak' a moro bun gi unu efu Mi gwe. Bika efu Mi no go, dan a Trowstuman no o kon na unu. Ma efu Mi gwe, dan Mi o seni En kon gi unu. 8 Te A kon, A o sori den sma fu grontapu san na sondu, san bun ini Gado ai, nanga san Gado e krutu. 9 A o sori den san na sondu, fu di den no e bri bi ini Mi.

2 Timoteus 2:10 Dat' meki awinsi san e miti mi, mi e teki en, efu dati sa tyari ferlusu nanga têgo glori ini Kristus Yesus gi den sma di Gado ben teki.

Roma 15:20,21 Mi ben si en leki wan grani fu tyari a Bun Nyunsu go na den presi pe no wan sma ben ferteri fu Kristus ete. Tapu sowan fasi mi no e bow tapu a fundamenti fu wan trawan. 21 Mi e hori misrefi na a wortu di taki so: Den sma di den no ben ferteri fu En, o si En. Èn den sma di no ben yere, o kon sabi En.

Boskopuman 2:36,37 Fu dat'ede ala sma fu Israel mus sabi krin tak' Gado meki a Yesus disi, di unu spikri na wan kroisi, tron Masra nanga Mesias." 37 Di den sma yere a sani disi, den firi en srefsrefi. Dan den aksi Petrus nanga den tra boskopuman fu Yesus taki: "Brada, san un mus du dan?"

Hebrewsma 4:2 Bika wi srefi kisi a bun nyunsu fu yere leki fa den ben yere en. Ma gi den a nyunsu no tyari bun, bika den no bri bi en di den yere en.

Yeremia 24:7 - Mateus 22:37 Yesus piki en taki: "Yu mus lobi Masra, yu Gado, nanga yu heri ati, nanga yu heri sili, èn nanga yu heri ferstan.

Boskopuman 16:14 Wan fu den uma di ben arki unu, ben nen Lidia. A ben de fu a foto Tiatira èn a ben e seri purper krosi. A no ben de wan Dyusma, ma a ben e anbegi Gado. Dan Masra opo en ati fu a bri bi san Paulus ben e taki.

Mateus 13:14-16 Den sani san a profeiti Yesaya ben taki, de fu si ini a libi fu den sma disi. A ben taki: Yere un o yere, ma un no o ferstan noti, èn luku un o luku, ma un no o si noti. 15 Bika a pipel disi trangayesi. Den no wani arki moro, èn den tapu den ai. Noso den bo si nanga den ai, den bo yere nanga den yesi, èn den bo ferstan nanga den ati tak' den mus drai den libi fu Mi kan dresi den. 16 Ma blesi de na un tapu, bika unu e si èn unu e yere.

Yesaya 6:9,10 - Boskopuman 28:27 Bika a pipel disi trangayesi. Den no wani arki moro, èn den tapu den ai. Noso den bo si nanga den ai, den bo yere nanga den yesi, èn den bo ferstan nanga den ati tak' den mus drai den libi fu Mi kan

dresi den.

Markus 4:11,12 Dan Yesus taigi den taki: "A fasi fa Gado o tiri libisma na wan kibritori. Gado meki un kon ferstan a kibritori disi. Ma den tra sma e yere a sani disi soso na ini agersitori. 12 Dat' meki den e luku ma den no e si, èn den e arki ma den no e ferstan. Noso den bo drai den libi, èn kisi pardon fu den sondu."

Yohanes 12:39,40 Den sma no ben man bibri, bika Yesaya ben skrifi wan tra presi taki: 40 A tapu den ai, èn A tranga den ati. Noso den bo si nanga den ai èn den bo ferstan nanga den ati tak' den mus drai den libi fu Mi kan dresi den.

Roma 11:7,8 Dan fa dan? Israel leki folku no feni a sani san a e suku. A pikin grupu wawan di Gado ben teki, feni en. Ma Gado ben meki den trawan tranga den ati. 8 A de soleki fa a skrifi taki: Gado meki den go ini wan dipi sribi. A gi den ai di no man si nanga yesi di no man yere te leki a dei fu tide.

2 Tesalonika 2:10,11 Nanga ala sortu ogri san a o du, a o kisi den sma di e go lasi fu di den no lobi den tru sani fu Gado di kan ferlusu den. 11 Dat' meki Gado breni den fu den bibri a lei.

Mateus 13:18-23 Dan Yesus taigi den man fu En taki: "Disi na san a agersitori fu a man di ben go sai siri wani taki. 19 Te wan sma arki a boskopu fa Gado e tiri libisma, ma a no ferstan en, dan a de leki a siri di fadon tapu a pasi. Didibri e kon puru a boskopu di sai na ini en ati. 20 A siri di fadon pe furu ston de ondro a doti, na den sma di yere a boskopu, dan den teki en wantron nanga prisiri. 21 Ma a boskopu no e beri rutu. Dat' meki den e bibri fu wan syatu pisten nomo. Te sma e pina den èn te sma de na den baka fu du den ogri fu di den e bibri a boskopu, dan wantron den e lasi bibri. 22 A siri di fadon pe makamaka grasi e gro, na den sma di yere a boskopu, ma den e broko den ede nanga a libi èn grontapu gudu e hari den. Dati e meki tak' a boskopu no man du en wroko ini den ati. 23 A siri di fadon na tapu a bun doti, na sma di e ferstan a boskopu te den yere en. Leki fa a siri e gi nyanyan, na so den sma disi e gi nyanyan ini den libi tu, sonwan hondro, trawan siksitenti, nanga trawan dritenti leisi moro furu."

2 Korinte 3:15,16 Iya, te nanga a dei fu tide, wan duku e tapu a ati fu den ala leisi te den e leisi san Moses skrifi. 16 Ma te wan sma drai en libi kon na Masra, a duku e kmoto.

Hosea 11:3-7 - Mateus 11:28-30 Yesus taigi den sma moro fara taki: "Un kon na Mi, un di weri fu tyari un hebi lai. Na Mi un sa feni rostu. 29 Kon meki Mi tiriunu èn un teki leri fu Mi. Bika Mi abi safri nanga sakafasi maniri. Na Mi un sa feni rostu fu un sili. 30 Bika Mi no o tiriunu nanga tranga, èn den sani di Mi o aksi fu unu, no hebi."

Boskopuman 26:18 Yu sa opo den ai, fu den drai den libi kmopo fu a dungru kon ini a leti, èn fu kmopo ondro a makti fu Satan kon na Gado. Dan den sa kisi pardon fu den sondu, èn den o kon mindri den sma fu Gado fu di den bibri ini Mi.'

2 Timoteus 2:24-26 Wan wrokoman fu Masra no mus e meki trobi, ma a mus abi

switi maniri nanga ala sma. A mus man fu gi leri, èn a mus abi pasensi. 25 Nanga wan safri fasi a mus man poti den sma di e feti en na den presi. A kan tak' Gado sa meki den drai den libi kon bri bi san na tru. 26 Na so den o kisi densrefi èn den o man kmopo ini a krafana fu didibri pe a ben hori den, fu den du san didibri wani.

Kon na Krin 3:17-19 Un e taki tak' un gudu, un gudu sote tak' un no e mankeri noti. Ma un no sabi tak' a no e go bun nanga unu. Un de fu sari, un pôti, un breni, èn un de nanga sososkin. 18 Dat' meki Mi e gi un a rai fu un kon bai gowtu na Mi, bun gowtu, fu un kan kon gudu. Un kon bai weti krosi na Mi fu weri, fu tapu a syen tak' un de nanga sososkin. Un kon bai dresi na Mi fu poti gi un ai, fu un kan si krin. 19 Mi e strafu ala den sma di Mi lobi, èn Mi e leri den fa den mus libi. Dat' meki un mus du multi èn drai un libi.

2 Korinte 7:10 Bika te wan sma e firi sari na a fasi fa Gado wani, a e kenki en libi sondro tak' a hati en. Èn na so Gado kan ferlusu en. Ma efu a firi sari soleki fa grontapu sma e firi sari, dan dati e tyari dede kon.

1 Kownu 18:37 - Gado turn heart back to Gado.

2 Korinte 4:4 Den no e bri bi, bika a gado fu a grontapu disi meki a ferstan fu den kon dungru. Dat' meki den no man si a leti fu a Bun Nyunsu di e taki fu a glori fu Kristus. Na En na a prentyi fu Gado.

Lukas 8:11-15 Meki Mi brokobroko a agersitori gi unu. A siri na a wortu fu Gado. 12 Den siri di fadon tapu a pasi na den sma di e yere a boskopu. Ma didibri e kon puru san den yere na ini den ati, fu den no bri bi meki Gado ferlusu den. 13 Den siri di fadon tapu Gron di lai ston na ini, na den sma di e teki a boskopu san den yere nanga prisiri. Ma a boskopu no e beri rutu. Den e bri bi fu wan syatu pisten, dan te tesi kon na den pasi, den e drai baka. 14 Den siri di fadon pe makamaka grasi e gro, na den sma di e yere a boskopu. Ma a heri pisten di den de tapu a pasi, den e broko den ede nanga den problema fu a libi, nanga grontapu gudu, èn nanga den tra grontapu sani. Den sani disi e tapu den fu den no kan gro, èn den no man gi nyanyan. 15 Den siri di fadon tapu bun doti, na den sma di e arki a boskopu nanga wan bun ati èn nanga wan ati di wani. Den sma disi e hori san den yere, èn den e gi nyanyan fu di den e hori doro."

Boskopuman 15:11 Ma wi e bri bi tak' a bun-ati fu Masra Yesus ferlusu wi tapu a srefi fasi leki fa A ferlusu den."

Roma 8:13 Bika efu un e libi leki fa a sondufasi fu un wani, dan a o tyari dede gi unu. Ma efu nanga a krakti fu a Yeye, un tapu fu du san a sondufasi fu un wani, dan un o libi.